



UNIVERSITÄTS-  
BIBLIOTHEK  
PADERBORN

# **Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

§. I. Qui possint esse iudices delegati?

---

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

clausula commissa sit, quod si ambo in-  
teresse non possint, alter solus procedat, sed  
per exceptionem repellere eum potest, &  
solus procedere, prout sumitur ex *c. coram  
dilecto 34. b. t.* cum clausula dicta velit,  
solum hunc posse procedere, si alter per  
se adesse nolit, ita etiam subdelegatus sub-  
delegare non potest juxta *c. super quastio-  
num 57. §. si vero h. t.* cum nullibi repeta-  
tur in iure, et si subdelegato subdelegandi  
concessa licentia.

## §. IV.

*An, & quando delegatus ab infe-  
riore iudice ordinario subdelegare  
possit?*

**D**elegatus ab alio, quam à Principe  
nullum superiorem agnoscente, sive  
ab inferiore iudice ordinario, ab Episcopo  
v. g. subdelegare, sive causam sibi  
committam regulariter, & ordinariò al-  
teri committere non potest, uti constat  
ex *c. cum causam 62. de appellat.* (neque  
etiam delegatus plus juris habet, quam  
ipsi vel à lege, vel ab homine commis-  
sum sit, nullibi autem legitur, hæc sub-  
delegandi concessa illi potestas, & ab  
homine tantum illi est concessa facultas  
exercendi jurisdictionem, sub qua non  
venit subdelegandi potestas) nisi ad  
universitatem causarum delegatus sit  
(qui quasi ordinariam jurisdictionem  
habere censetur, & consequenter unam  
vel alteram causam, vel causæ articulum  
subdelegare potest. *l. 1. §. ab eo. ff. quis &  
à quo appelletur junct. glos. v. non ipse, &  
gloss. fin.*) vel nisi à iudice ordinario  
hæc ipsi subdelegandi potestas, tacitè  
vel explicitè ipsi concessa fuerit juxta gloss.  
in *c. is cui 12. V. per alim. h. t. in 6.* (ut sic  
enim delegatus non tam ex sua, quam

delegantis persona delegat, ad quem  
etiam appellatio fieri debet, si quæ sit in-  
terponenda) neque huic tam è etiam dele-  
gato aut subdelegato cui una tantum cau-  
sa dijudicanda concessa est, negari debet,  
quòd non possit post cognitam causam,  
& pronuntiatam sententiam, alteri exe-  
cutionem sententiæ, sive nudum mi-  
nisterium executionis committere, cum  
taliter exequens sententiam non tam  
agat, ut iudex, cui jurisdictionis competit,  
quam à delegato tali accipere non potuit,  
sed agat præcisè, ut purus minister dele-  
gati, aut subdelegati.

## S E C T I O II.

*De iis, quibus delegari potest.*

## §. I.

*Qui possint esse iudices delegati?*

**O**rdinariè & regulariter, qui iudices  
esse delegati, & hinc communiter dicitur,  
omnes esse posse iudices delegatos, qui nec  
naturæ, ut surdi, muti, perpetuò furiosi,  
impuberes &c. nec jure, ut infames &c.  
nec consuetudine excluduntur, prout  
excluduntur forinæ, servi &c. imò de  
jure Canonico delegatus iudex esse  
non potest, qui vigesimum ætatis annum  
nondum implevit *c. qui vicissimum 41.  
h. t.* nisi à Principe dispensetur, aut par-  
tes consentiant in eum, qui saltem 18.  
annum excesserit, nec potest esse, hoc  
ipso jure prohibète in causis judicialibus  
sedis Apostolicæ, aut Legatorum ejus de-  
legatus, vel subdelegatus, nisi sit in ali-  
qua dignitate ecclesiastica aut Personatus  
constitutus, vel Canonicus ecclesiæ Ca-  
thedralis.

zedralis, sive secularis hæc sit, sive regulatis, sive præbendam ille habeat, sive non habeat *c. statutum 11. de rescript. in 6.* Episcopi verò, vel alterius inferioris ordinarii delegatus esse potest simplex Clericus juxta *gloss. in citatum c. statutum V. sedis Apostolica.* Modò sint personæ discretæ, & idoneæ, ut loquitur *c. si pro debilitate 3. h. t.* sive sint subditi delegantis jurisdictioni, sive non sint subditi, modò causa ad delegantis jurisdictionem pertineat (& hinc causæ Ecclesiasticæ, decimarum *v. g.* juris Patronatus &c. non laicis, sed clericis committuntur) quorum omnium rationes esse possunt, quòd pro sedis Apostolicæ dignitate alii delegati non sint admittendi, & causarum ratio laicis non committenda, diversitatem quidem aliquam delegatorum requirat, non autem subjectionem, nisi invitum compellere velit.

## §. II.

*An pluribus iudicibus eadem causa simul delegari possit, & quomodo procedere debeant?*

Posse hoc fieri, ita ut non habeant singuli jurisdictionem in solidum, neque unus sine altero validè procedere possit, nisi aliter in forma concessionis sit expressum, *exc. causam 16. h. t.* patet quòd si tamen in forma commissionis in clausula expressum sit: *ut si nequeant, aut nolint omnes interesse, duo vel unus eam cognoscant, & exequantur:* duo vel unus procedere possunt, ad causam dijudicandam & ferendam sententiam, si per certum nuntium, aut aliunde illis legitimè constitit (per testes scilicet aut submissas literas) quod tertius vel alii adesse

non possint aut nolint, prout habetur in *c. prudentiam 21. h. t.* si verò sub ea clausula commissio facta sit, *ut omnes, aut duo vel unus eorum procedant, aut mandatum exequantur,* tum censetur quilibet eorum habere jurisdictionem in solidum, daturque inter eos locus præventioni, ita ut etiam unus solus, qui alios prævenit, negotium commissum expedire possit; & negotio cæpto alii amplius immiscere se non possint, nisi qui causam hanc præoccupaverat, subitâ infirmitate, aut aliâ justâ causâ impeditus, non possit, vel etiam malitiosè non velit in causa procedere, ut habetur in *c. cum plures 8. h. t.* ratio horum est, quod ut sic servetur forma mandati, & negotia citius expediantur cum nullius injuria.

## §. III.

*An una causa delegata etiam pluribus possit subdelegari?*

Qui subdelegare possunt, possunt vel omnes simul, si plures delegati fuerint, vel unus eorū unam causam sibi delegari a pluribus personis tamè idoneis, subdelegare, ut constat *exc. cum te 18. h. t.* ita ut, taliter à delegatis subdelegati in sententia ferenda inter se dissentiant, standum sit sententiâ majoris partis; vel si non habeatur major pars in sententia ferenda, sed quilibet subdelegatorum suam peculiarem sententiam habeat, recurrendum sit ad subdelegantem *argum. c. fin. de sententia & re jud. nisi* in totum vices suas subdelegatus commiserit subdelegans, quo in casu ad primum seu delegantem recurrendum est.